



御製大清通禮序
伊古承天之道治
人情莫善乎禮願其
為用
往往詳於朝廟略於鄉
閭及攷儀禮十七篇所
紀獨多士禮自后蒼有



推而達之、說儒者奉
為本經其等差節度互
見於周官戴記然時有
牴牾朱子嘗建議請修
通解而未既厥業信乎
完書之難而行典禮觀

會通章志真教經世者
所宜重也經禮三百曲
禮三千會典蓋經禮之
遺矩而通禮六曲禮之
濫觴朕臨御之初勅傳
臣蒐訂前聞折中令甲

準時會之宜銜質文之
紀釐為全帙用詔方來
越歲已卯排纂裁就寧
詎謂副在有司執以莅
事而已哉蓋嘗深維大
順大同之化初不越納

身軌物與天下共之焉
身三代以下漢稱近古
觀姒孫通之朝儀公玉
帶之明堂不過推輪輶
具後此如唐開元禮宗
太常因革禮元通禮明

集禮取足徵一朝掌故
迄承用日久俗尚駸尋
精意遠而敎勅隨之既
苟簡慢易而無以稱其
情甚且改錯徧規敢於
侈汰而冒其上故禮之

通也於是乎始雖六經
之士雖欲闡教正俗然
居下不獲若考亭家禮
涑水書儀黨塾間以為
兔園陳策其事不闕功
全故禮之通也於是乎

尤難是編也約而賅詳
而不縟圭臬羣經羽翼
會典使家誦而戶習之
於以達之人倫日用之
間興孝悌而正風俗則
朕泐世牘民之意或在

斯乎或在斯乎因禮官
之請爰為序以總其端

臣梁詩正奉

勅敬書

乾隆元年六月二十三日

上諭朕聞三代聖王緣人情而制禮依人性而作儀所以
總一海內整齊萬民而防其淫侈救其彫敝也漢唐以
後雖粗備郊廟朝廷之儀具其名物藏於有司時出而
用之雖縉紳學士皆未能通曉至於閭閻車服宮室飲
食嫁娶喪祭之紀皆未嘗辨其等威議其度數是以爭
爲侈恣而耗敗亦由之將以化民成俗其道無由前代
儒者雖有書儀家禮等書而儀節繁委時異制殊士大
夫或可遵循而難施於黎庶本朝會典所載卷帙繁重

民間亦未易購藏應萃集歷代禮書並本朝會典將冠
婚喪祭一切儀制斟酌損益彙成一書務期明白簡易
俾士民易守著總理事務王大臣會同該部從容定議

欽定大清通禮

經講官李傅議政查昆英擊學志總管內務府查纂官部事務 臣 來保等恭承

勅旨編纂

御定大清通禮今已成書謹奉

表上

進者_臣等誠惶誠恐稽首頓首

上言竊惟天秩天敘勅惇典而慎修人紀人綱本倫常
以立極肇虞廷之咨命文在典謨繼周室以顯庸制
垂官禮治神人而和邦國百王循由舊之章酌損益

大清通志 卷表 一
以洽時宜列代著維新之典然而叔孫綿蕞法家具習其儀散騎胥鈔衆論咸非其記開元之書未定不數唐時太常之禮粗成難遵宋代蓋勅幾貞度必職要而職詳斯表立坊垂乃世法而世則欽惟

皇帝陛下

治建中和

業隆醇備

平天成地經綸持五運之中

觀賁乘乾制度洞六經之奧

武烈承而

文謨顯八表之軌來同

聲律叶而

身度章千億之程畫一固已夏時齊憲殷輅同經乃猶

念典維勤

觀民攸切

謂國朝掌故雖叅覈靡遺而會典全書恐浩繁難讀爰精睿鑒五禮兼該用煥

天章一編是式文成法立

親分甲乙於簡端字櫛句疏

手別丹鉛於幾暇_臣等仰睹大經大法旣獄峙以川渟凡諸貴少貴多亦條分而縷析蓋王者以吉禮承祀事而大祀中祀羣祀統焉聖人以儼恪事神明而天神地示人鬼一矣

園丘

方澤鉅典喬皇

清廟明堂孝思洋溢他如農蠶布化功德勸忠各極儀文度數之詳分司有恪悉徵周浹旁皇之致合敬無殊朝

會以舉典常燕饗以示慈惠

帝錫之繁禧旣荐

天保之福祉頻臻鳴鹿嘉賓承筐志美獻鳩國老執醬明恩本仁義於親賢嘉會所以合禮別等威於隆殺大文悉是流謙以若兵寓農祥義垂古昔文兼武備治洽隆平秉蒐狩之常經司馬實修其職遇師田之特舉春官必上其儀矧

國家綏服懷柔遠過銅柱珠厓之界而

盛世豐功偉績常播朱干玉戚之威三霄鳳紙頒來書

庸不盡百代鴻猷允在頌烈無窮至如鸚鵡遐方贊
通聲教海山諸國禮盡賓王準大鴻臚朝貢通乎宴
見推鄉祭酒師徒例以尊行凡諸揖讓之無愆益見
典章之大備若夫經傳報本語美慎終辨服物而等
人情

孝治感乎上下權易戚以當大事

仁風丕徧臣民共欽孺慕之難忘咸俾所生之無忝總乎
經禮三百曲禮三千無非佐一代休明之志比於五
緯經天五嶽鎮地適以定萬年文質之中節經

欽定而書成允睹

聖人之作茲繕全篇以恭

進用垂冊府之光臣等學愧面牆識慚窺管寅清會典
每憂夙夜之常疎

禁籞頻趨彌懼遵循之不逮南宮日永長年執簡旁皇
北闕恩深此日開函悚惕伏願

心傳周孔

典邁唐虞

式玉式金玉度畀羣倫之矩範

維人維烈單心偕奕禩以楷模乙夜常披敬貯璠籤於
 秘閣西山重啓光昭鉅典於寰區將見文煥功成與大
 訓圖球而並寶禮明樂備翊百王道法以俱留矣謹
 編次三十六冊目錄五十卷繕寫告成臣等無任瞻

天仰

聖激切屏營之至謹奉

表隨

進以

聞

乾隆三年六月十三日經筵講官李太傅議政大臣武英殿大學士總管內務府大臣兼管兵部事務臣來保等

上

表

纂輯

大清通禮大臣官員職名

總裁

經筵講官字太傅議政大臣武英殿大學士總管內務府大臣兼管兵部事務臣來保

太子太保文淵閣大學士兼工部尚書兼管禮部事務加一級臣陳世倌

經筵講官吏部尚書臣王安國

經筵講官禮部右侍郎鑲黃旗漢軍副都統三等子臣嵩壽

提調

禮部儀制司員外郎加一級紀錄十次臣寧昶

禮部祠祭司主事陞授戶部廣西員外郎架級紀錄四次臣額爾登額

纂修

禮部精膳司郎中陞授湖廣道監察御史加二級紀錄五次臣李玉鳴

禮部儀制司郎中陞授山東道監察御史紀錄七次臣朱丕烈

禮部儀制司郎中前翰林院庶吉士紀錄四次臣鄭 忬

禮部精膳司主事加一級紀錄三次臣沈清任

收掌

禮部儀制司筆帖式加二級紀錄三次臣奇騰額

禮部司務廳筆帖式加二級紀錄三次臣西 輅

禮部祠祭司筆帖式加四級紀錄二次臣長 全

膳錄

禮部儒士周 和

禮部儒士魯遇恩

禮部儒士李殿英

禮部儒士徐聚井

禮部儒士宋騰飛

禮部儒士聶 垓

禮部儒士王朝選

禮部 儒士 鍾道

禮部 儒士 王渭

禮部 供事 李國模

禮部 供事 樊學湘

禮部 供事 錢梓

禮部 供事 劉紹陞

禮部 供事 章廷瑞

禮部 供事 朱鼎

凡例

一通禮與會典相為表裏。謹遵

諭旨。隨同會典。節次進

呈。其間法古準今。咸秉

聖明指示。以備萬世率由。

一五禮之名。肇於虞書。五禮之目。見於周禮。首吉禮。

尊

天

祖也。次嘉禮。本人道也。次軍禮。征伐大權也。次賓禮。柔遠人

也。次凶禮。以厚終也。依序編纂。有條不紊。每篇首。弁以數言。括其大指。仍於目錄下。臚次諸儀之名。以便繙閱。

一開元禮纂。見於杜佑通典。而修史者採之。唐書。今仿其式。每一儀中。各就自然次序條分之。儀繁者。於每節之後。書右某事。別之。儀簡者。於全文之末。合書之。期於節目分明。以昭其辨。

一各禮儀文相同者。於初見處備書之。其餘則書如某儀。或云與某儀同。分行小註者。曰見某儀。曰後仿

此。比事類推。以省繁複。若夫大中小祀。禮既不同。則文不當省。又凡隔卷同儀。亦必於初見處備書之。不用省文。

一書中祭器。樂器。鹵簿。軍實之類。悉據禮部。兵部。太常寺。鑾儀衛。文冊。參考經史。辨名。辨色。辨數。辨位。與會典脗合。以昭信守。

一通禮所重在行禮儀節。詳悉紀載。以便於遵循。至於輿服器數。止載名物。若制度損益。已有專書專圖者。槩不重述。

大清通禮 卷之二
一儀禮十七篇。收於失散之後。故祭祀昏喪。止存士禮。唐六典則闕。凶禮不載。然辨上下。定民志。綱紀四方。必自朝廷始。是書首紀

朝

廟大典次及

欽頒儀制。通行直省郡邑。各依類分附於後。

一禮時爲大。今古異尚。從其儀也。是書皆取見行儀。注輯定。其非

皇朝成式。雖有古制。槩不摭拾。至合於今制者存之。務使

文質得中。垂爲成法

大清通禮目錄

卷之一

吉禮

南郊

冬日至

大祀

孟春土辛

祈穀

常書龍見

大清通禮

目錄

常雩

大雩

因事祇告

升配

卷之二

北郊

夏日至

大祭

因事祇告

升配

卷之三

宗廟

時饗

大禘

親詣祇告

遣官祇告

升祔

加上

大青通禮

目錄

尊諡

恭進

玉冊

玉寶

卷之四

奉先殿

親饗

遣官祭饗

親詣祇告

升祔

遣官祇告

月朔望奠獻

卷之五

陵寢

親謁

后妃謁奠

親饗

遣官饗薦

寶城上土

聖誕奠獻

萬壽節奠獻

朔望謁奠

因事祇告

皇子恭謁

羣臣恭謁

園寢致祭

卷之六

社稷

春秋

親祭

因事祇告

祈報

直省常祀

直省祈報

卷之七

朝日

親祀

遣官

夕月

親祀

遣官

卷之八

先農

親饗

遣官

直省饗先農

先蠶

皇后親饗

遣

妃

遣官

卷之九

歷代帝王

親饗

遣官

時巡親饗

時巡遣官

因事遣官

直省所在專祭

卷之十

傳心殿

親詣祇告

遣官祇告

月朔望常祀

卷之十一

先師

春秋

親詣太學釋奠

遣官釋奠

臨雍釋奠

月朔釋菜

月望上香

賓興釋褐

因事祇告

親釋奠闕里

謁孔林

遣官釋奠周公

遣官釋奠顏曾孔孟四氏

直省釋奠釋菜

直省忠孝節孝名宦鄉賢祠

卷之十二

天神

祈祀

報祀

地祇

祈祭

報祭

直省神祇祈報

嶽鎮海瀆

時巡親祭方嶽

大清通志

目錄

七

遣官祭方鎮

遣官祭所過名山大川

時巡所過大川上香

嶽鎮海瀆因事徧祭

嶽鎮海瀆所在專祭

名山大川所在特祭

直省山川專祠

卷之十三

太歲

元旦歲除迎祖

祈報

真武廟

火神廟

礮神

卷之十四

都城隍廟

東嶽廟

黑龍潭龍神祠

玉泉山龍神祠

后土司工神

窰神門神

倉神

卷之十五

先醫廟

關帝廟

直省所在神祠

時巡遣祭聖賢忠烈名臣勲臣祠墓

賢良祠

直省賢良祠

京師功臣專祠

盛京賢王祠

昭忠祠

雙忠祠

忠勇祠

直省祭厲附

卷之十六

親王世子郡王家祭

貝勒貝子宗室公家祭

品官家祭

庶士家祭

庶人家祭

卷之十七

嘉禮

太和殿朝賀

盛京朝賀

外官朝賀

皇太后宮朝賀

皇后宮朝賀

卷之十八

御門聽政

常朝陞殿

常朝坐班

盛京陞殿

盛京坐班

卷之十九

皇帝登極

卷之二十

恭上

皇太后尊號徽號

卷之二十一

尊封

太妃

太嬪

卷之二十二

大昏

卷之二十三

皇子昏

公主釐降

王公以下昏

郡主以下出嫁

卷之二十四

品官昏

庶士昏

庶人昏

卷之二十五

册立皇后

卷之二十六

册封皇貴妃

册封貴妃

册妃

册嬪

卷之二十七

册封親王世子郡王

册封長子貝勒貝子

册封公主

册封福晉夫人

册封郡主縣君郡君

卷之二十八

頒詔

直省迎

詔

外國迎

詔

卷之二十九

頒朔

受朔

外國受朔

進春

直省迎春

卷之三十

親耕帝藉

直省耕藉

卷之三十一

皇后躬桑

卷之三十二

恭進

實錄

聖訓

恭進

玉牒

卷之三十三

經筵進講

卷之三十四

臨雍講書

闕里講書

卷之三十五

順天鄉試

直省鄉試

會試

臨軒策士

臚傳

表謝

卷之三十六

時巡省方

卷之三十七

太和殿燕

大清通志

目錄

三

慈寧宮燕

歲除燕

臨雍燕

經筵燕

修書燕

凱旋燕

鄉試燕

會試燕

恩榮燕

會武燕

燕衍聖公

燕外國貢使

王公燕

卷之三十八

順天鄉飲酒

直省鄉飲酒

卷之三十九

軍禮

大閱

京營訓練

直省閱兵

卷之四十

親征

凱旋

告至

飲至策勳

告成紀功

命將

遣使頒勅印

納降

凱旋

告成燕賚

卷之四十二

獻俘

受俘

卷之四十二

日食救護

月食救護

直省日月食救護

卷之四十三

賓禮

外國朝貢

勅封外國

表謝

卷之四十四

宗室外藩親王相見

宗室外藩郡王相見

宗室外藩貝勒相見

宗室外藩貝子公相見

京官敵體相見

京師屬官見長官

國學師弟子相見

直省官敵體相見

直省文官見長官

直省武職見長官

直省官見學政鹽政

京府官屬相見

直省文武官相見

直省滿漢官見

士賓友相見

受業弟子見師長

卑幼見尊長

卷之四十五

凶禮

列聖大喪

卷之四十六

列后大喪

卷之四十七

皇貴妃喪

貴妃喪

妃喪

嬪喪

貴人喪

卷之四十八

皇太子喪

皇子喪

卷之四十九

親王以下喪

親王福晉以下喪

公主以下鄉君以上喪

卷之五十

品官喪

庶士喪

庶人喪

大清通禮卷之一

吉禮

禮有五經。莫重於祭。

國家祀典。孔明有大祀。有中祀。有羣祀。殊事合敬。周禮所謂以吉禮事邦國之鬼神。元於是乎備焉。謹詳其儀著於篇。

南郊

冬至大祀

天於

圓丘之禮。先祀期五日。遣親王一人。詣犧牲所。恭代眡牲。所

牧豫設香案於庭中。南向一。東西向各一。遣官補服。

遇朝期則朝服。太常寺贊禮郎二人前引。詣香案前北面所

牧立案右。牧人牽牛羊過案前。導以旗仗。所牧跪告

牲。次東向眡鹿。西向眡豕。所牧跪告。如前儀。畢。引由

北門退。

右眡牲

先三日昧爽。太常寺進齋戒牌。銅人設黃案於

乾清中門之左。太常寺卿率所屬。咸補服。常朝日朝服。雨雪常服。

恭奉齋戒牌在前。銅人在後。導以御仗。入自西長安門至。

午門。徹仗。太常寺官十人前引。由中道入。進

太和門。

中左門。

後左門。侍衛二人引至。

乾清門階下。太常寺官恭設於案。齋戒牌南向。銅人西

向。太常寺卿行一跪三叩禮。退。

皇帝致齋於大內。頒

大清通志 卷一
制辭於羣臣曰。某年月日冬至。朕恭祀

皇天上帝於

園丘。惟爾羣臣。其蠲乃心。齊乃志。各揚其職。敢或不共。國有常刑。欽哉勿怠。文武衙署。恭書

制辭於版。安奉正堂。自員外郎。騎都尉以上。咸齋於公署。

右齋戒

先二日。遣禮部尚書一人。詣犧牲所省牲。如眡牲儀。右省牲

是日昧爽。太常寺司祝。恭送祝版於內閣。授中書舍

人。安奉潔室。敬書祝辭於版。畢。內閣典籍。豫設黃案於政事堂正中。舍人奉祝版陳於案。南向。大學士詣案前立。北面。展祝文。敬書

御名。畢。舍人奉祝版。仍安潔室。俟翼日。授司祝。

右書祝版

祀前一日。子初刻。宰人豫鑿坎於宰牲亭外。牆東。廣深二尺。太常寺官。設香案於宰牲亭外。光祿寺卿一人朝服。太常寺贊禮郎二人。前引詣香案前。北面立。三上香。遂及御史二人。禮部司官二人。咸朝服。眡宰。

宰人以鸞刀割牲。以豆取毛血。瘞於牆東之坎。祀
右眡割牲

是日五鼓。太常寺卿率屬埽除壇上下。藉以櫻薦。設

上帝神座於

圓丘第一成。南向。

列聖東西向。

四從於第二成。

大明東。

夜明西。

北斗七星。五星。二十八宿。周天星辰。在

大明之次。

雲師。雨師。風伯。雷師。在

夜明之次。均施青幄。工部司官張

皇帝拜次於第二成午階上。張大次於外壇左門外神路
之東。太常寺典簿陳牲俎於

神厨。博士辨籩豆登鉶之實。登以太羹。鉶以和羹。簠以

黍稷。簋以稻粱。籩以形鹽。橐魚。棗栗。榛。菱。芡。鹿脯。白

餅。黑餅。糗餌。粉。飧。豆以韭菹。醢醢。菁菹。鹿臄。芹菹。兔

醢。筍。菹。魚。醢。脾。析。豚。拍。醢。食。糝。食。以次展器於
神庫。

右設神座。幄供張。展牲器。

昧爽。太常寺設黃案於

太和殿中

御座之南。設香亭於殿內左楹之東。設奉祝版亭。奉玉帛
香亭於殿內右楹之西。太常寺贊禮讀祝。各官具玉
帛於篚。貯香於盤。祇埃。

太和門外。太常寺卿率屬贊事殿內。屆時。太常寺卿率

欽天監博士二人至。

乾清門奏時。

皇帝龍袍補服。乘輿出宮。前引後扈。如常儀。

詳見嘉禮朝賀儀。

至

太和殿北階降輿。

御殿立左楹前。西向。記注官四人立殿右門外。東面。司祝
自內閣奉祝版入。

太和中門。玉帛香隨入。前列提鑪二。太常寺贊禮郎十
人導引。升中階。至丹陛上。導引止。司祝奉祝版。各官
奉玉帛香。進殿中門。以次陳於黃案。三叩退。太常寺

九清通禮 卷一 五
卿展祝文。贊禮郎布拜褥。

皇帝詣案前。次第恭閱。畢。行一跪三拜禮。興。復位立。太常寺卿韜祝版。贊禮郎徹拜褥。司祝各官進至案前。三叩興。恭奉祝版。玉帛香。依次設亭內。三叩退。司香官就香亭奉香。合立於亭東。司拜褥官布拜褥於香亭前。退立司香之右。太常寺卿二人恭導。

皇帝至香亭前立。司香跪進香。

皇帝上香。畢。行一跪三拜禮。興。復位。司拜褥官徹拜褥。司香奉香。合置亭內。退。鑾儀衛率校尉昇亭。香亭在前。

祝版亭香帛亭。以次由中道出。前引如儀。太常寺卿跪。奏禮成。

皇帝乘輿還宮。太常寺卿隨亭送。

南郊安奉。

神庫內。是日。徹。

乾清門齋戒牌銅人。恭送齋戒牌銅人於齋宮。導引如儀。

右閱祝版玉帛香。

厥明。步軍統領飭所部清蹕除道。自

大清門至

壇門鑾儀衛官校陳設

大駕鹵簿導象四。民尉二十有八人。次寶象五。民尉八十人。雲麾使一人。治儀正二人。次靜鞭四。民尉十有四人。治儀正一人。次前部大樂。大號小號各四。金口角四。和聲署史十有二人。次革輅駕馬四。民尉三十有二人。木輅駕馬六。民尉三十有二人。象輅駕馬八。民尉三十有四人。金輅駕象一。民尉四十有四人。玉輅駕象一。民尉四十有四人。雲麾使一人。治儀正二人。

次鼓吹大樂。金二。金鉦四。鈸二。鼓二。有架。點二。篴四。雲

璈二。管二。笙二。金口角八。大號十有六。小號十有六。

金鉦四。畫角二十有四。柁鼓二十有四。橫篴十有二。

拍板四。仗鼓四。金二。柁鼓二十有四。署史六十有八。

人。民尉百七十有六人。畫角前。柁鼓後。間以紅鐙各

二。民尉六人。冠軍使一人。整儀尉二人。次引仗六。御

仗。吾仗各十有六。立瓜。卧瓜各十有六。星十有六。鉞

十有六。出警旗一。入蹕旗一。旗尉九十人。民尉六十

有七人。五色銷金小旗四十。每色各八。旗尉三十人。民尉

四十人。雲麾使一人。整儀尉二人。次翠華旗二。金鼓旗二。門旗八。民尉二十有四人。日旗一。月旗一。雲旗五。雷旗五。八風旗八。甘雨旗四。民尉四十有八人。列宿旗二十有八。五星旗五。五嶽旗五。四瀆旗四。神武朱雀。白虎。青龍。旗四。民尉九十有二人。天馬。天鹿。辟邪。犀牛。赤熊。黃羆。白澤。用端遊麟。彩獅。振鷺。鳴鳶。赤烏。華蟲。黃鵠。白雉。雲鶴。孔雀。儀鳳。翔鸞。爲旗二十。民尉四十人。五色銷金龍纛四十。前鋒大纛八。羽林大纛八。驍騎纛二十有四。旗尉四十人。民尉百二十人。

雲麾使二人。治儀正二人。整儀尉二人。次黃麾四。儀鎧。鑿四。金節四。進善。納言。敷文。振武。旌各二。褒功。懷遠。行慶。施惠。明刑。弼教。教孝。表節。旌各二。民尉五十有六人。龍頭。旛四。豹尾。旛四。絳引。旛四。信。旛四。民尉三十有二人。羽葆。幢四。霓。幢四。紫。幢四。長壽。幢四。民尉三十有二人。雲麾使二人。治儀正二人。整儀尉二人。次鸞鳳。赤方。扇八。雉尾。扇八。孔雀。扇八。單龍。赤團扇八。單龍。黃團扇八。雙龍。黃團扇二十。壽字。黃扇八。旗尉二十有四人。民尉百二十有八人。雲麾使一人。

治儀正二人。整儀尉二人。次赤素方繖四。紫素方繖四。五色四季花團繖二十。間以五色九龍團繖十。旗尉三十人。民尉八十。有四人。次九龍黃蓋二十。紫芝蓋二。翠華蓋二。九龍曲柄黃蓋四。旗尉三十人。民尉八十。有四人。鑾儀使一人。雲麾使一人。治儀正二人。整儀尉二人。次長戟四。親軍八人。戈四。親軍八人。豹尾槍三十。護軍六十人。弓矢三十。親軍六十人。儀刀三十。親軍六十人。雲麾使一人。治儀正二人。整儀尉四人。次仗馬十。護軍二十人。冠軍使。雲麾使各一人。

次金方几一。金交倚一。金餅二。金盃盤一。金盃一。金合二。金鑪二。拂二。立夏陳列。處暑收。旗尉二十。有二人。雲麾使一人。治儀正二人。次九龍曲柄黃華蓋一。武備院掌蓋司蓋四人。前引佩刀大臣十人。提鑪二。執鑪侍衛二人。

玉輦在中。左右奉輦鑾儀使二人。扶輦冠軍使一人。雲麾使一人。治儀正二人。整儀尉二人。旗尉民尉各十。有八人。後扈佩刀大臣二人。豹尾班執豹尾槍侍衛十人。佩儀刀侍衛十人。佩弓矢侍衛二十人。領侍衛內

大臣一人侍衛班領二人。次後管宗人府王公二人。前鋒護軍統領一人。散秩大臣一人。給事中御史二人。各部郎中四人。員外郎並用。侍衛班領一人。署侍衛班領一人。侍衛什長二人。次黃龍大纛二。領侍衛內大臣一人。內大臣散秩大臣並用。司燾侍衛什長二人。建燾親軍四人。佩鳴螺親軍六人。凡職事官均采服。親軍護軍旗尉民尉各服其服。辰刻不陪祀王以下。公以上滿漢文武百官咸朝服會闕下。鴻臚寺序班序百官立位。左翼官於

闕左門南。西面。右翼官於

闕右門南。東面。均重行北上。恭候

華蓋出

午門跪送。已刻。太常寺卿赴

乾清門。奏請詣

南郊齋宿。

皇帝龍袍補服。乘禮輿。出至

太和門階下。降輿。鑾儀衛進玉輦。掌鑾儀衛內大臣一人。跪。奏請

大清通志 卷一
陸輦。鑾儀使二人奉輦。扶輦官四人。納陛於輦前正中。凡陛

五級。

皇帝陞輦。駕士三十六人輦輦。

駕發。警蹕。鑾儀使二人率官校夾輦而趨。

午門鳴鐘鼓。導迎樂前引不作。

駕出

午門百官跪送。前引大臣十人。後扈大臣二人。暨侍衛

扈從諸臣。親軍護軍。旗尉民尉。咸乘馬由

正陽門至

壇門。

御道左右塗巷。皆設布幃。護軍統領率叅領以下護軍校

步軍統領率叅將以下步軍校按班立於幃外。咸辟

除。清蹕所至。不得謹譁。

右鑾輿出宮

駕至。由正陽門入至

南郊。由恭

壇西門入。至

昭亨門外神路西。掌鑾儀衛內大臣一人。跪奏請

降輦。鑾儀使奉輦。扶輦官納陛於輦前。如前儀。
皇帝降輦。前引大臣十人。右贊引。左對引。太常寺卿二人。
恭導。

皇帝由外壝南左門入。至

皇穹宇。詣

上帝香案前立。司香太常寺少卿一人。跪進香。

皇帝跪受香。拱舉。仍授司香。與三上香。畢。以次詣
列聖香案前。上香。如儀。贊禮郎布拜褥。

皇帝行三跪九拜禮。兩廡

從位。遣分獻官。上香行禮。

皇帝詣

圓丘。陟午階第一成。恭

上帝位。

列聖配位。贊引官以次跪奏。畢。暨對引官。恭導

皇帝由內壝東左門。詣

神庫內。恭。眡籩豆。贊引跪奏。如前儀。遂遣官並眡牲牢。

皇帝由內壝南左門出。至外壝左門外神路西。

陛輦。詣

大清通志 卷一
齋宮。陪祀王公百官采服。分班祇埃齋宮門外。

皇帝降輦。陞禮輿。入齋宮。乃退。均隨壇齋宿。是夜嚴更宿衛。警蹕環巡。

右祇神位壇位牲器齋宿

將事之夕。夜分。太常寺卿率官屬入壇。然爇炬。明金鐙。積柴。加燔牛於上。實以香。具器陳於案。各以其序。登居中。簋左。簋右。籩從簋。豆從簋。俎在案前。第一成。上帝幄內。犢一。登一。簋二。簋二。籩十。有。二。豆十。有。二。金鑪一。

青鐙二。金鐙四。鑪餅五事。爵墊一。

列聖幄內。皆犢一。登一。簋二。簋二。籩十。有。二。豆十。有。二。金鑪

一。青鐙。金鐙。各二。爵墊一。幄南中設一案。少西北向。

供祝版。東設一案。西向。陳蒼璧一。郊祀制帛十。有。二。

青色奉先制帛三。白色香盤四。尊四。匏爵十。有。二。壺一。爵

一。實福酒。盤一。實胙肉。西設一案。東向。陳奉先制帛

二。白色香盤二。尊二。匏爵六。凡牲。陳於俎。凡玉帛。實於

筐。凡尊。實酒。承以舟。疏布。冪。勺具。第二成。

大明

夜明幄內皆牛一。登一。簋二。簋二。籩十。豆十。琖二十。鑪一。
鐙四。各設一案。陳禮神制帛一。色一赤。一白。尊一。爵三。香
盤一。俎。篚。冪。勺。具。

星辰。

雲雨風雷幄內皆牛一。羊一。豕一。登一。鉶二。簋二。簋二。籩
十。豆十。琖三十。鑪一。鐙四。各設一案。一陳禮神制帛。
十有一。青黃赤黑。各一。白七。一陳禮神制帛四。青黃黑。各一。白各一。各尊一。
爵三。香盤一。俎。篚。冪。勺。具。鑾儀衛冠軍使設洗於外
壝左門外大次。樂部率太常協律郎設中和韶樂於

三成階下。金編鐘在東。玉編磬在西。皆十有六。懸以
虞業。東應鼓一。祝一。麾一。西。敔一。東西分列琴十。瑟
四。簫十。篴六。箎六。排簫二。塤二。笙十。搏拊二。旌二。節
二。干戚羽籥各六十。有。四。凡樂作止。舞進退。均協律
郎執麾引之。

右陳設

陳設畢。禮部侍郎一人。由西階升第一成壇上。太常
寺博士前引詣

上帝位前。省。眡。玉帛。盞。盛。及籩豆登俎之實。以次詣

大清通志 卷一
列聖位前。省盥畢。仍由西階降。至第二成。四從位前。周眡如儀。

右省盥

辨行禮位。第一成午階上。爲讀祝受福胙。

皇帝拜位。第二成黃幄次。爲

皇帝行禮拜位。北向。第三成階上。爲陪祀王。貝勒。拜位。階下。爲貝子。公。拜位。均北面。左翼東階西上。右翼西階東上。庭中夾神道東西。爲分獻官拜位。外壝門外。爲陪祀百官拜位。文五品武四品官以上。東西各五班。

皆北面。重行異等。東位西上。西位東上。辨執事位。第一成。太常寺官二人。立午階上。

皇帝拜位前。一司拜牌。西面。一司拜褥。東面。司祝一人。立祝案西。東面。司香四人。司玉帛一人。司帛三人。司爵四人。序立東案之東。西面。司香二人。司帛二人。司爵二人。序立西案之西。東面。光祿寺卿二人。立東。司香之後。西面。侍衛二人。立西。司香之後。太常寺贊賜福胙一人。立西。司爵之次。東面。侍儀禮部尚書一人。侍郎一人。立東案之南。西面。都察院左都御史一人。副

都御史一人。樂部典樂一人。立西案之南。東面。均北上。第二成。司拜牌。拜褥官各一人。分立黃幄次東西。與第一成午階同。第三成階上。太常寺典儀一人。立於東階。西面。引王貝勒行禮。鴻臚寺官二人。糾儀御史四人。禮部祠祭司官四人。分立拜位左右。均東西面。第三成階下。記注官四人。立於神道之西。東面。引貝子公行禮。鴻臚寺官二人。分立拜位左右。東西面。司樂。協律郎。樂工。序立東西。樂懸之次。北面。歌工。立樂工之次。樂舞生文武八佾。分行序立。東在歌工之

左。西在歌工之右。皆東列。西上。西列東上。外壝門外。糾儀御史二人。禮部祠祭司官二人。立於從祀百官東班之東。御史二人。禮部祠祭司官二人。立於從祀百官西班之西。鴻臚寺序班東西各一人。立於糾儀官之次。稍後。太常寺傳贊四人。二人循內壝牆立。二人循外壝牆立。掌燎官一人。率燎人立燎鑪之東南隅。

右辨位

禋祀日。日出前七刻。司祝詣

神庫祝版案前。上香。行一跪三叩禮。恭奉祝版至

壇。安於祝案。跪叩如初。退。禮部尚書率太常寺卿屬恭請

神位。鑾儀衛冠軍使二人率校尉豫設龍亭一。於

皇穹宇階下。正中南向。又設龍亭五。於左右稍後。均南向。又

設龍亭四。於南東西向。至時。太常寺官啟

神龕。禮部尚書詣

皇穹宇各香案前。三上香。退。出門檻外。行三跪九叩禮。太常

寺卿率屬分詣

皇穹宇及兩廡。各行一跪三叩禮。先請

四從位。奉至丹墀。東西向。次請

列聖神位於殿內。東西向。俟請

上帝神位。南向。先行。乃奉

列聖神位以從。既出殿。奉

四從神位以從。依序奉安於龍亭內。各行一跪三叩禮。校

尉昇亭。太常寺官十人前引。禮部尚書從。由

圓丘北門入。至午陛。亭止。

上帝居中。

列聖左右。稍後。均南向。

從位再後。東西向。太常寺官詣各亭前。跪三叩。興。恭請

上帝

列聖神位。陞午階詣第一成。

四從神位。陞東西階。詣第二成。以次奉安於

神座。各行一跪三叩禮。退。

右請神位

太常寺卿赴

齋宮。奏請詣

壇行禮。

皇帝御祭服。乘禮輿出

齋宮。鑾儀使進玉輦於

齋宮門外。掌鑾儀衛內大臣一人。奏請

皇帝陞輦。納陞。奉輦。如前儀。鑾儀衛校鳴

齋宮鐘。太常寺導駕官二人。前引大臣十人。提鑪官。執

鐙官。左右列行。後扈大臣二人。及侍衛從。恭導

皇帝至外壇門外神路西。掌鑾儀衛內大臣一人。奏請

皇帝降輦。納陞。扶輦。如前儀。導駕官退。右贊引。左對引。太

常寺卿二人。恭導

皇帝詣大次。少埃。太常寺贊禮郎引分獻官於外壇右門外序立。鴻臚寺官引陪祀王公於外壇門外侍衛。後百官於行禮位後。按翼東西序立。祇候。太常寺卿告奉安。

神位畢。奏請行禮。

皇帝出大次。鑾儀衛雲麾使二人跪。奉盥。冠軍使一人跪。奉帨巾盥畢。司拜褥官豫布拜褥於第二成拜次。退。贊引對引官恭導。

皇帝由外壇南左門入。陞午階。就第二成拜位。北向立。司

拜牌官安拜牌。退。侍衛至內壇門外。前引內大臣執鑪。鑪官至三成階下。均止立。後扈大臣隨侍。凡陞壇

隨侍太常寺贊禮郎引分獻官入內壇右門。至分獻拜位立。鴻臚寺官引諸王。貝勒。貝子。公文武百官。均就拜位。北面序立。典儀贊樂舞生登歌。執事官各共廼職。武舞執干戚進。贊引奏就位。

皇帝就拜位立。

右就次盥洗就位。

皇帝既就位。典儀贊燔柴迎。

帝神。乃燔柴。司香各奉香盤。由案南東西相向行。至左右幄前止立。司樂贊舉迎。

帝神樂。奏始平之章。辭曰。欽承純祐兮。於昭有融。時維永清兮。四海攸同。輸忱元祀兮。從律調風。穆將景福兮。迺眷微躬。淵思高厚兮。期亮天工。聿章彝序兮。夙夜宣通。雲駟延佇兮。鸞輅空濛。翠旗紛裊兮。列缺豐隆。肅始和暢兮。恭仰蒼穹。百靈祇衛兮。齋明辟公。神來燕娛兮。惟帝時聰。協昭慈惠兮。逖鑒臣衷。協律郎舉麾。工鼓祝樂作。司

上帝香一人。由左而北。司

列聖香東位三人。從西位二人。由右而北。以次進至各

神案前恭俟。司拜牌官起拜牌。凡陛先起拜牌。後同。壇皆贊引奏陛

壇。暨對引官恭導。

皇帝陛第一成上。對引官至祝案前止立。凡陛壇行禮。皆同。贊

引恭導。

皇帝詣

上帝香案前。司香跪。贊引奏跪。

皇帝跪。奏上香。司香進香。

皇帝上炷香。次三上瓣香。與。以次詣

列聖香案前。上香。儀同。贊引奏復位。暨對引官恭導。

皇帝復第二成拜位立。司拜牌官安拜牌。凡復位則安拜牌。後同。贊

引奏跪拜興。

皇帝行三跪九拜禮。傳贊贊跪叩興。王公百官均隨行禮。

凡眾官行禮。皆傳贊。後同。協律郎偃麾。工戛鼓。樂止。凡樂以舉麾。鼓祝作。以偃

麾。戛鼓。止。後同。

右燔柴迎神

典儀贊奠玉帛。左司玉帛官暨司帛官由東案奉篚。

右司帛官由西案奉篚。以次進至

神案前恭俟。如奉香儀。司樂贊舉奠玉帛樂。奏景平之章。辭

曰。靈旗爰止。兮樂在縣。執事有恪。兮奉玉筵。聿昭誠

敬。兮駿奔前。嘉玉量幣。兮相後先。來格洋洋。兮思儼

然。臣忱翼翼。兮告中虔。樂作。贊引奏陞

壇恭導

皇帝陞第一成詣

上帝位前立。司玉帛官跪。贊引奏跪。

皇帝跪。奏獻玉帛。司玉帛官進篚。

皇帝受篚。拱舉奠於案。興以次詣

列聖位前。司帛官跪進篚。

皇帝受篚。奠帛儀同。贊引奏復位。恭導

皇帝復第二成拜位立。樂止。

右奠玉帛

皇帝既奠玉帛。典儀贊進俎。司拜牌官起拜牌。退贊引對

引恭導

皇帝轉立拜位旁。西向。司拜褥官起拜褥。太常寺官引分獻官。鴻臚寺官引王公。各退避。東西面立。有司貯羹

於壺。恭執。太常寺官二人引至壇階下止立。執壺官

升午階。以次登壇。過幄次。仍布拜褥。恭導

皇帝復位。王公及分獻官皆引復位。執壺官詣

上帝

列聖位前。跪拱舉。興以羹沃俎者三。退由西階降。司樂贊舉

進俎樂。奏咸平之章。辭曰。吉蠲爲饎。兮肅豆籩。升肴

列俎。兮敢弗虔。毛魚繭栗。兮薦膏鮮。致潔陶匏。兮香

水泉。願垂降鑒。兮駐雲駢。錫嘉福。兮億萬斯年。樂作。

贊引奏陞

壇恭導

皇帝陞第一成詣

上帝位前立贊引奏跪。

皇帝跪奏進俎。

皇帝拱舉進俎興以次詣

列聖位前進俎儀同贊引奏復位恭導

皇帝復第二成拜位立樂止。

右進俎

典儀贊行初獻禮有司揭尊罍勺挹酒實爵左右司

爵執爵以次進至各

神案前恭埃如奉香儀司樂贊舉初獻樂奏壽平之章辭曰

玉斝肅陳兮明光桂漿初醞兮信芳臣心迪惠兮奉

觴醴齊載德兮馨香靈慈徽眷兮禱皇勤仰止兮斯

徜徉樂作司樂舉節舞千戚之舞凡舞以節領之贊

引奏陞

壇恭導

皇帝詣第一成

上帝位前立司爵跪贊引奏跪。

皇帝跪。奏獻爵。司爵進爵。

皇帝受爵。奠於墊中。興。第一成。司拜牌拜褥官布拜褥。安。

拜牌。贊引奏詣讀祝位。

皇帝詣讀祝拜位立。司祝至祝案前跪。三叩。興。奉祝版跪。

案左。樂暫止。贊引奏跪。

皇帝跪。羣臣皆跪。贊引贊讀祝。司祝讀祝。辭曰。維某年月

日。

嗣天子臣御名敢昭告於

皇天上帝。曰。時維冬至。六氣資始。敬遵典禮。謹率臣僚。以玉

帛犧齊粢盛庶品。備此禋燎。祇祀於

上帝奉

太祖承天廣運聖德神功肇紀立極仁孝睿武端毅欽安弘

文定業高皇帝

太宗應天興國弘德彰武寬溫仁聖睿孝敬敏昭定隆道顯

功文皇帝

世祖體天隆運定統建極英睿欽文顯武大德弘功至仁純

孝章皇帝

聖祖合天弘運文武睿哲恭儉寬裕孝敬誠信中和功德大

成仁皇帝以戰文苑。香華。劍寶。新。本。妙。精。計。中。味。也。憲。大。
世宗敬天昌運建中表正文武英明寬仁信毅大孝至誠憲
皇帝配。尙。劉。聖。宗。誠。敬。神。大。文。殿。在。中。心。也。

饗讀畢興奉祝版跪安

上帝位前篚內三叩興退樂作贊引奏拜興。

皇帝率羣臣行三拜禮興起拜褥徹拜牌贊引恭導詣

列聖位前以次獻爵儀同贊禮郎引

從位分獻官由東西階升詣各

神位前上香獻帛獻爵畢贊引奏復位恭導

皇帝復第二成拜位立分獻官咸降階退各復拜位立樂
止武功之舞退文舞執羽籥進。

右初獻讀祝

典儀贊行亞獻禮司爵執爵以進司樂贊舉亞獻樂
奏嘉平之章辭曰考鐘拂舞兮再進瑤觴翼翼昭事
兮次第肅將睟顏容與兮蒼几輝煌穆穆居歆兮和
氣洋洋生民望澤兮仰睨玉房榮泉瑞露兮慶無疆
樂作舞羽籥之舞贊引奏陞

壇恭導

皇帝陞第一成。以次奠爵於左。儀如初。獻贊引奏復位。恭導。

皇帝復位立。樂止。

右亞獻

典儀贊行終獻禮。司爵執爵以進。司樂贊舉終獻樂。奏永平之章。辭曰。終獻兮玉斝清。肅柅鬯兮薦和羹。磬管鏘鏘兮祀孔明。旨酒盈盈兮勿替思成。明命顧諟兮福羣生。八龍蜿蜒兮苞羽和鳴。樂作。舞與亞獻同。贊引奏陞。

壇恭導

皇帝陞第一成。以次奠爵於右。儀如亞獻。贊引奏復位。恭導。

皇帝復位立。每獻分獻官詣

從位獻爵。升降均如初。樂止。文德之舞退。

右三獻

既終獻。贊禮郎一人詣祝案前。東面立。贊

賜福胙。光祿寺卿就東案奉福胙至。

上帝位前拱舉布拜褥。安拜牌。如讀祝儀。贊引奏詣飲福受

胙位恭導

皇帝詣第一成飲福受胙位立。光祿寺卿二人奉福胙。祇立。

皇帝拜位之右。侍衛二人進立於左。贊引奏跪。

皇帝跪。左右官咸跪。奏飲福酒。右官進福酒。

皇帝受爵。拱舉授左官。奏受胙。右官進胙。

皇帝受胙。拱舉授左官。贊引奏拜興。

皇帝三拜興。贊引奏復位恭導。

皇帝復第二成拜位立。贊引奏跪拜興。

皇帝率羣臣行三跪九拜禮。典儀贊徹饌。司樂贊舉徹饌。

樂奏熙平之章。辭曰。一陽復兮協氣伸。盥薦畢兮精

白陳。旋廢徹兮敢逡巡。禮將成兮樂欣欣。瞻九閭兮

轉洪鈞。福施下逮兮佑此人民。樂作。司玉帛官詣

上帝位前跪叩興。奉蒼璧以退。樂止。

右受福胙徹饌

典儀贊送

帝神。司樂贊舉送

帝神樂。奏清平之章。辭曰。升中告成兮。晡霽壇場。穆思廻盼

今雲駕洋洋。臣求時惠兮。感思馨香。願蒙博產兮。多
士思皇。天施地育兮。百穀蕃昌。殖我嘉師兮。正直平
康。樂作贊引奏跪拜興。

皇帝行三跪九拜禮。王公百官均隨行禮。興樂止。

右送神

典儀贊奉祝帛饌。恭送燎位。司祝司帛詣

神位前。咸跪。司祝奉祝。司帛奉篚。皆三叩。興。司香跪奉香。司
爵跪奉饌。興。以次恭送燎所。

皇帝轉立拜位旁。西向。

起拜牌。分獻官王
公避立。如進俎時。

俟祝帛過。

仍布
拜褥。

皇帝復位立。

從位香帛饌。仍由東西階降。送內壝東西門外燎所。典儀

贊望燎。司樂贊舉望燎樂。奏太平之章。辭曰。隆儀告

備兮。誠既將。有虔秉火兮。蒞越芳。雷車電邁兮。九龍

驥。紫氛四塞兮。靈旗揚。烝民蒙福兮。順五常。惟予小

子兮。敬戒永臧。樂作贊引奏詣望燎位。

豫布
拜褥。恭導

皇帝由內壝南左門出。詣望燎位。望燎。分獻官各詣東西

門外望燎。贊引奏禮成。恭導

皇帝入大次。樂止。

右望燎

大祀禮成。鑾儀衛冠軍使率校尉設龍亭一於

園丘午階下正中。龍亭五於左右稍後。均南向。龍亭四於兩旁。東西向。太常寺卿率屬升壇詣各

神位前。跪三叩。興恭請安奉亭內。跪叩如初。鑾儀校昇亭。依次行至

皇穹宇。

上帝居中。

列聖左右。均北向。

從位東西相向。以次復

御禮部尚書。上香行禮。儀並與迎

神同。

右神位還御

皇帝既還大次。更衣。至外壇神路西。乘禮輿出

昭亨門外。

大駕鹵簿前導。和聲署官贊奏樂。導迎樂作。奏祐平之章。

辭曰。崇德殷薦。升燎告虔。惟聖能饗。至誠天眷。駕六

龍臨紫烟。佑命申圖。籙綿前部。大樂畢舉。

皇帝回鑾。王公從。各官以次退。不陪祀。王公百官仍朝服。
集

午門外跪迎。

午門鳴鐘。樂止。王公隨

駕入。至內金水橋。恭候

皇帝還宮。皆退。太常寺官徹

齋宮。齋戒。牌銅人送寺。

右回鑾

孟春上辛。祈穀之禮。先祀期五日。遣親王一人詣犧

牲所。恭代。眡牲。如

圓丘儀。

右眡牲

先三日。

皇帝齋於大內齋宮。王公百官各齋於次。儀與冬至大祀

同。誓戒

制辭曰。某年月日上辛。朕恭祀

上帝於

祈年殿。爲民祈穀。惟爾羣臣。其蠲乃心。齊乃志。各揚其職。敢

或不共。國有常刑。欽哉勿怠。書版。恭奉齋次。如式。

右齋戒

省牲

書祝版

眡割牲

儀均與冬至大祀同。

祀前一日。五鼓。太常寺卿率屬埽除。

祈年殿。藉以櫻薦。設

上帝神座於殿中。南向。設

列聖神座於左右。東西向。所司張大次於

祈年門外神路之東。陳牲俎於

神厨。展祭器於

神庫。如式。

右設神座。供張展牲器

味爽。

皇帝御

太和殿。閱祝版。玉帛香。儀與

圓丘大祀同。

右閱祝版。玉帛香。

厥明。步軍統領飭所部清蹕。鑾儀衛陳設

大駕鹵簿於

午門外。陳玉輦於

太和門階下。諸司各共其事。巳刻。

皇帝龍袍補服。乘輿出宮。至

太和門階下。降輿。鑾儀使扶輦納陛。

皇帝陞輦。警蹕導從。

午門鳴鐘鼓。不陪祀王公百官。朝服跪送。並如大祀

園丘之儀。

右鑾輿出宮

駕詣

南郊。至

壇南門外神路西。

降輦。奉輦納陛。如前儀。前引大臣贊引對引太常寺卿恭

導

皇帝由

祈年左門入詣

皇乾殿

神位前。上香。行禮。次詣

祈年殿。恭胝

壇位。畢。由壇東門詣

神庫。胝籩豆。遣官胝牲牢。並同大祀儀。畢。仍由

祈年左門出。

陞輦宿

齋宮。陪祀王公百官采服。分班祇立

齋宮門外。俟

皇帝降輦。乘輿入宮。乃退。

右胝神位壇位牲器齋宿

將事之夕。夜分。太常寺卿率屬入壇。然炬明鐙。積柴。加燔牛於上。具器陳。辨簠簋籩豆登俎之序。陳三案。一設殿中。少西。供祝版。一東次。西向。一西次。東向。分奠玉帛。香尊。爵。壺。盤。福胙。惟

上帝前用告祀青帛。一。餘儀均與

圓丘大祀同。鑿儀衛。設洗於

祈年門外。大次。樂部率太常協律郎。設中和韶樂於丹陛上。分東西懸。陳樂舞於樂懸之次。五鼓。太常寺博士

引禮部侍郎升西階入殿右門恭省玉帛齎盛如大
祀儀。

右陳設省齎

辨行禮位殿南正中爲

皇帝拜位其前爲讀祝受福胙位北向丹陛東西爲諸王
貝勒貝子公陪祀拜位左翼東階西上右翼西階東
上丹墀內東西爲陪祀百官拜位文員外郎武騎都
尉以上東西各五班東位西上西位東上重行異等
皆北面辨執事位太常寺司拜牌拜褥官二人分立

門內

皇帝拜位左右東西面司祝一人立祝案西東面司香司
玉帛司帛司爵贊賜福胙官奉福胙光祿寺卿接福
胙侍衛侍儀禮部尚書侍郎都察院左都御史副都
御史樂部典樂序立東西案之次東西面太常寺典
儀一人立東檐下西面司樂協律郎樂工歌工舞佾
序立丹陛上東西樂懸之次北面鴻臚寺鳴贊二人
分立東西陛石欄前東西面記注官四人立西階下
東面引禮鴻臚寺序班四人糾儀御史四人禮部祠

祭司官四人。分立從祀王公百官拜位左右。均東西面。掌燎官率燎人。立燎鑪之東南隅。並如

圓丘儀。

右辨位

祀日。日出前七刻。司祝恭奉祝版至。

祈年殿。安於祝案。如式。鑾儀衛官校。豫設龍亭一。於

皇乾殿階下正中。又設龍亭五。於左右。稍後。均南向。太常寺

官啓

神龕。禮部尚書。上香行禮。太常寺卿率屬恭請

上帝神位。

列聖神位。奉安龍亭內。前引。後從。昇行。至

祈年殿階下。亭止。依序如初。北向。太常寺官詣亭前。恭請

神位。以次升中階。入殿中門。奉安各

神座。一跪。三叩。並如

皇穹宇奉請之儀。

右請神位

太常寺卿赴

齋宮。奏請詣

祈年殿。

皇帝御祭服。乘輿。鑾儀衛進玉輦於

齋宮門外。納陛奉輦。

皇帝陞輦。鳴鐘。前列鑪。鐙導從扈衛。如常儀。至

祈年門外。神路西。鑾儀衛納陛。奉輦如初。

皇帝降輦。詣大次。少埃。陪祀王公於

祈年門外。百官於丹墀。按翼東西序立。祇候。太常寺卿告

奉安。

神位畢。奏請行禮。

皇帝出次。鑾儀衛官跪。奉盥奉巾。如儀。盥畢。司拜褥官。豫
布拜褥於殿南拜位。贊引對引。恭導。

皇帝由

祈年左門入。陞東階。進殿東門。就拜位北向立。執鑪鐙官。
止東階下。夾階左右立。侍衛退至東西隅。僉立。前引
內大臣。止檐下。東西侍立。後扈大臣隨侍。鴻臚寺官。
引王公百官。均就拜位序立。典儀贊樂舞生登歌。執
事官各共廼職。武舞執干戚進。贊引奏就位。司拜牌
官跪安拜牌於拜褥退。

右就次盥洗就位

典儀贊燔柴迎

帝神左右司香奉香盤進如祀

園丘之儀司樂贊舉迎

帝神樂

凡儀節皆典儀贊舉樂皆司樂贊並詳冬日至大祀儀

奏祈平之章辭曰帝篤

祐民兮求莫匪舒小民何依兮飲食維需莫嘉於穀
兮萬事權輿為民請命兮豈非在予日用辛兮百辟
趨。暇將出兮東風徐惟予小子兮敬盥顛字皇皇龍
駕兮穆將愉樂作

皇帝詣

上帝位前跪。上香。次詣

列聖配位前跪。上香畢。興復位。率羣臣行三跪九拜禮。樂止。

凡行禮進退皆贊皆引陪祀官隨行禮皆傳贊詳見冬日至大祀儀

右燔柴迎神

乃奠玉帛。舉奠玉帛樂。奏綏平之章。辭曰。念茲稼穡。
兮惟民天。農用八政。兮食為先。雨暘時若。兮玉燭全。
皇帝立我烝民。兮迄用康年。仰三無私。兮昭事虔。奉璋承
帛兮。慄若臨淵。樂作。司玉帛奉玉帛。司帛奉帛進。如

奉香儀。以次至各案前跪。

皇帝詣

上帝位前跪奠玉帛。以次詣

列聖位前跪奠帛。畢興復位。樂止。

右奠玉帛

乃進俎。舉進俎樂。奏萬平之章。辭曰。鼎烹兮苾芬。嘉薦兮無文。升繭栗兮惟惇。羶薌達兮干雲。昭民力兮普存。惟明德兮馨聞。樂作。有司執壺羹。自中階升。進殿內。沃俎如

圜丘儀。

皇帝詣

上帝位前。

列聖位前跪。進俎興。復位。樂止。

右進俎

行初獻禮。舉初獻樂。奏寶平之章。辭曰。初獻兮元酒。盈。致純潔兮儲精誠。瑟黃流兮壘承。酌其中兮外清。明。儼對越兮維清。帝心歆假兮綏我思成。樂作。舞于戚之舞。

皇帝詣

上帝位前。司爵跪奉爵。

凡司爵奉爵皆豫至各神案前恭候。如奉香儀後仿此。

皇帝跪獻爵奠於墊中。興退詣讀祝拜位立。司祝至祝案

前跪三叩興奉祝版跪案左樂暫止。

皇帝跪羣臣皆跪。司祝讀祝辭曰維某年月日。

嗣天子臣御名祇奏於

皇天上帝曰。臣仰承

眷命撫育萬方。念切民生。亟圖康乂。茲者候屆上辛。春耕將舉。爰摠誠悃。上迓

洪庥。謹率臣僚。以玉帛牲醴粢盛庶品。恭祀

上帝伏祈

昭鑒。時若雨暘。俾百穀用成。三農攸賴。奉

太祖承天廣運聖德神功肇紀立極仁孝睿武端毅欽安弘

文定業高皇帝

太宗應天興國弘德彰武寬溫仁聖睿孝敬敏昭定隆道顯

功文皇帝

世祖體天隆運定統建極英睿欽文顯武大德弘功至仁純

孝章皇帝

聖祖合天弘運文武睿哲恭儉寬裕孝敬誠信中和功德大成仁皇帝
世宗敬天昌運建中表正文武英明寬仁信毅大孝至誠憲
皇帝侑

神尚

饗讀畢興奉祝版安於帛篚內跪叩如初退樂作

皇帝率羣臣行三拜禮興以次詣

列聖位前跪獻爵儀同興復位樂止武功之舞退文舞執羽
籥進

右初獻讀祝

行亞獻禮舉亞獻樂奏穰平之章辭曰犧尊啓兮告
虔清酤既馨兮陳前禮再獻兮祠筵光煜爚兮非煙
神悅懌兮僣然惠我嘉生兮大有年樂作舞羽籥之
舞

皇帝詣

上帝位前以次

列聖位前跪奠爵於左如初獻儀興復位樂止

右亞獻

行終獻禮。舉終獻樂。奏瑞平之章。辭曰。終獻兮奉明
粢。苾芬嘉旨兮。清醴既醴。神其衍兮。錫祉禮成於三
兮。陳辭。願灑餘瀝兮。沐羣黎。臣拜手兮。青墀樂作。舞同

亞獻

皇帝詣

上帝位前。以次

列聖位前。跪奠爵於右。如亞獻儀。興復位。樂止。文德之舞退。

右三獻

既終獻。太常寺官贊

賜福胙。

皇帝詣受福胙位。飲福受胙。如

園丘儀。復位。率羣臣行三跪九拜禮。乃徹饌。舉徹饌樂。奏渥
平之章。辭曰。俎豆具陳兮。庶品宜。肸鬯昭鑒兮。荷帝
慈。饌告備兮。玉几登歌。洋溢兮。廢徹不遲。肅微忱兮。
告終事。上帝居歆兮。錫純禧。樂作。有司詣

上帝位前。跪叩。興。奉蒼璧退。樂止。

右受福胙徹饌

乃送

帝神舉送神樂。奏滋平之章。辭曰。祇奉天威。兮弗敢康。小心翼翼。兮昭穹蒼。雲垂九天。兮露瀼瀼。翠旗羽節。兮上翱翔。臣拜下風。兮肅徬徨。願沛汪澤。兮民多蓋藏。樂作。

皇帝率羣臣行三跪九拜禮。興樂止。

右送神

既送神。執事官以次詣

神位前。奉祝帛香饌。恭送燎所。如

園丘之儀。舉望燎樂。奏穀平之章。辭曰。叩首兮天閭。混茫一

氣兮浩無方。炳蕭束帛兮薦馨香。精誠感格兮降福穰穰。四時順序兮百穀以昌。臣同兆姓兮咸荷恩光。樂作恭導

皇帝由

祈年左門出。詣望燎位望燎。贊引奏禮成。引入大次。樂止。

右望燎

皇帝祈穀禮成。鑾儀衛依序設龍亭於殿階下。均南向。太常寺卿率屬恭請

神位。奉安亭內。以次昇行。復甃並收奉請之類。

御皇乾殿。禮部尚書。上香行禮。並如奉請之儀。

右神位還御

皇帝既還大次。更衣。乃出次。至神路西。乘禮輿。出昭亨門外。

大駕鹵簿前導。導迎樂作。奏祐平之章。辭曰。民者邦本。民食乃天。爰卜辛日。大君殷薦。龍角明。所有年。耒耜親。

天下先。前部大樂畢舉。

皇帝回鑾。王公從。陪祀官退。不陪祀。王公百官。朝服跪迎。如來儀。

午門鳴鐘。王公隨

駕入。至內金水橋。恭候

皇帝還宮。皆退。

右回鑾

龍見。常雩之禮。歲以孟夏。卽事於

圓丘。準冬。日至。大祀儀。誓戒

制辭曰。某年月日。朕恭祀

皇天上帝。祇秩常雩。惟爾羣臣。其蠲乃心。齊乃志。各揚其職。敢或不共。國有常刑。欽哉勿怠。

右戒辭

祝辭曰。維某年月日。

嗣天子_臣御名敢昭告於

皇天上帝曰。_臣恭承

帝命。率育寰區。民爲邦本。深思稼穡之艱難。食乃民天。惟冀
雨暘之時若。用蠲吉日。肅展明禋。茲當龍見之期。爰

舉祈年之典。維

皇上帝。鑒茲將享之誠。用康兆民。咸受明昭之

賜。俾五風十雨。黍稷維馨。九穀三農。順成有慶。奉

太祖承天廣運聖德神功肇紀立極仁孝睿武端毅欽安弘

文定業高皇帝

太宗應天興國弘德彰武寬溫仁聖睿孝敬敏昭定隆道顯
功文皇帝

世祖體天隆運定統建極英睿欽文顯武大德弘功至仁純
孝章皇帝

聖祖合天弘運文武睿哲恭儉寬裕孝敬誠信中和功德大
成仁皇帝

世宗敬天昌運建中表正文武英明寬仁信毅大孝至誠憲

皇帝侑

神尚

饗

右祝辭

祀日迎神。樂奏靄平之章。辭曰：立我烝民兮，神降嘉生。雨暘時若兮，百穀用成。龍見而雩兮，先民有程。臣膺天祚兮，敢不祇承。念我農兮，心靡寧。肅明禋兮，殫精誠。靈皇皇兮，穆以清。金支五色兮，罨靄蜺旌。奠玉帛。樂奏雲平之章。辭曰：玉帛載陳兮，磬管鏘鏘。

爲民請命兮，惕弗敢康。令清和兮，遂百昌。麥秀岐兮，禾弗稂。日照九兮，時雨滂。俾萬寶兮，千斯倉。

進俎。樂奏需平之章。辭曰：越十雨兮，越五風。三光昭明兮，嘉氣蒙。天所子兮，眇躬。予小子兮，子萬邦。紛總總兮，賴皇穹。特牲醵亨兮，達臣衷。

初獻。樂奏霖平之章。辭曰：酌彼兮，罍洗。飶芬兮，椒香。愧明德兮，維馨。假黍稷兮，誠將。願大父兮，念茲衆子。穆將愉兮，綏以豐穰。

亞獻。樂奏露平之章。辭曰：再酌兮，醑清。仰在上兮，明

大清通禮 卷一 聖
明。庶來格兮鑒誠。曷敢必兮屏營。合萬國兮形神精。
承神至尊兮思成。

三獻樂奏霑平之章。辭曰。三酌兮成純。備物致志兮
敬陳。多士兮駿奔。靈承無斃兮明禋。維蕃釐兮媪神。
雨留甘兮。良苗懷新。

徹饌樂奏靈平之章。辭曰。禮將成兮舞已終。徹弗遲
兮畏神恫。願留福兮惠吾農。神之貺兮協氣融。遂及
私兮越我公。五者來備兮錫用豐。

送神樂奏霑平之章。辭曰。祥風瑞靄兮彌靈壇。上帝

居歆兮風肅然。左蒼龍兮右白虎。般裔裔兮紉纒纒。
仰九閭兮返御。介祉釐兮康年。

望燎樂奏霑平之章。辭曰。碧粼粼兮不可度思。九奏
終兮燿火晝而神光四燭兮。休氣夥頤安匪舒兮。抑
抑威儀。帝求民莫兮。日鑒在茲。錫福繁祉兮。庶徵曰
時。

回鑾樂奏祐平之章。辭曰。炎夏初屆。憫我穡夫。爰舉
常祀。盛樂用雩。明德馨。誠意孚。禾稼登。斯樂胥祀日。
禮儀樂舞。並牲幣。陳設器數。均與冬日。至大祀禮同。

右樂章

大雩之禮。孟夏常雩後。不雨。既徧祈

天神

地祇

太歲

社稷。三復。仍不雨。乃諏吉。修大雩禮於

園丘。

右諏吉

既諏吉。翰林院撰擬祝辭。

或親製祝文。先期齋戒如常

禮。齋之日。禁斷屠宰。祀前一日。

皇帝御常服詣

太和殿。眡祝版。執事官咸常服。太常寺卿率屬入

壇。潔器陳。備脯醢。果實。設

皇天上帝神座於

園丘第一成。南向。設

四從神位於第二成。東西向。

皇帝詣

壇齋宿。常服出宮。乘騎。不乘輦。不設鹵簿。不陳樂。前引後扈

大臣侍衛咸常服導從。

午門鳴鐘不陪祀王公百官常服跪送。

駕至

南郊由

壇西門入至

昭亨門外降騎步行入

壇恭眠

壇位。上香。行禮。如儀。

右減服御徹樂

祀之日

皇帝雨冠素服步禱於

壇。扈從官暨陪祀執事各官咸雨冠素服恭行雩禮不燔柴。

不進俎不飲福受胙餘樂章樂舞及玉帛器數悉與

常雩同。

皇帝行三獻禮畢復位北向立協律郎引舞童十有六人

衣元衣執羽翳進為八列典儀贊舞童歌詩贊引奏

跪。

皇帝跪羣臣皆跪舞童乃舞皇舞按節歌

御製雲漢詩八章。詩曰。瞻彼朱鳥。鷦首是臨。協紀辨律。羽

蟲徵音。萬物芸生。有壬有林。有事南郊。陟降維欽。瞻仰

昊天。生物爲心。一章維國有本。匪民伊何。維民有天。匪食

則那。爲民祈福。平秩南訛。我祀敢後。我樂維和。鼉鼓淵

淵。童舞娑娑。二章自古在昔。春郊夏雩。旱則致禱。田燭朝

趨。盛禮旣陳。神留以愉。雷師闐闐。飛廉衙衙。霈時甘霖。

利我新畬。三章於穆穹宇。在郊之南。對越嚴恭。上帝是臨。

庇蔭嘉穀。用將悃忱。惴惴我躬。肅肅我心。六事自責。仰

彼桑林。四章權輿粒食。實維后稷。百王承之。永奠邦極。惟

予小子。臨民無德。敢懈祈年。潔衷翼翼。命彼秩宗。古禮

是式。五章古禮是式。值茲吉辰。玉磬金鐘。大羹維醇。元衣

八列。舞羽繽紛。旣侑上帝。亦右從神。尙鑒我衷。錫我康

年。六章惟天可感。曰惟誠恪。惟農可稔。曰惟力作。恃天慢

人。弗刈弗穫。尙勤農哉。服田孔樂。咨爾保介。庀乃錢鎛。

七章我禮旣畢。我誠已將。風馬電車。旋駕九閭。山川出雲。

爲霖澤滂。雨公及私。興鋤利甿。億萬斯年。農夫之慶。八章

歌畢。引退。贊引奏拜興。

皇帝率羣臣行三拜禮。興乃徹饌。送

帝神望燎。並如常雩之儀。禮畢。

皇帝還宮。

午門鳴鐘。不陪祀。王公百官常服跪迎。如初儀。

右大雩

因事祇告

圓丘之禮。遣親王一人將事。及執事官致齋一日。豫期翰林

院具祝文。

隨事撰擬

太常寺送內閣恭書奉諸

南郊神庫。潔備器陳。至日五鼓。設

神座。幄於

圓丘。陳鹿脯。鹿醢。兔醢。棗。榛。葡萄。桃實。蓮實。鑪一。鐙六。爵。墊

一。幄南中設一案。少西北向。供祝版。司祝一人。立於

案西。東面。東設一案。西向。陳告祀制帛一。香盤一。尊

一。冪。勺。具。爵三。司香。司帛。司爵各一人。立於案東。西

面。糾儀御史一人。東位。西面。一人。西位。東面。太常寺

典儀一人。立第二成午階上之東。掌燎立燎鑪東南

隅。雞初鳴。遣官豫埃於

昭亨門外。贊引太常寺贊禮郎二人。豫埃於外壝南右門

外。均朝服。黎明。太常寺卿率屬詣

皇穹宇奉請

皇天上帝神位入壇。恭設座上。如儀。遣官入

昭亨右門。至外壇南右門。贊禮郎引入。詣

園丘升西階。至第三成午階上。典儀贊就位。執事官各共廼

職。贊禮郎引遣官就拜位。北面立。典儀贊迎。

神。凡禮儀節次。皆典儀唱贊。後同。

司香奉香。進至案前。祇俟。贊禮郎贊升壇。

引遣官升西階。就香案前立。贊跪。遣官跪。贊上香。司

香跪進香。遣官上炷香。次三上辦香。興贊復位。引遣

官自西階降。復位立。贊跪叩。興

凡遣官升降行禮。皆贊皆引。後同。

遣

官三跪九叩。興贊行初獻禮。司帛奉篚。司爵揭尊。冪勺挹酒。實爵。以次進至案前。祇俟。遣官升

壇。詣

神位前。跪。司帛跪奉篚。遣官受篚。拱舉。奠於案。司爵跪奉爵。

遣官受爵。拱舉。奠於墊中。興贊讀祝。遣官降自午階

之左。至第二成。當階北面。跪。司祝詣祝案前。跪。三叩。

奉祝版。跪案左。讀祝畢。興奉安。

神位前。篚內。跪叩。如初。退。遣官行三叩禮。興。仍降西階。復位。

次亞獻。獻爵於左。次三獻。獻爵於右。儀同。贊送神。遣

大清通禮 卷一 三
官行三跪九叩禮。興贊奉祝帛。送燎司祝奉祝司帛。奉篚皆三叩。司香奉香。以次降午階。遣官避立西旁。俟過復位。贊望燎。遣官降西階。出內壝南右門。詣燎所望燎。贊禮郎告禮畢。引由外壝南右門出。太常寺卿率屬恭請。

上帝神位還

御如儀各退。

右因事祇告

列聖升配

南郊之禮。

制下。禮部具疏行欽天監諏吉。工部於

昭亨門外擇潔地。設黃幄。太常寺設香案於幄內。禮工二部尙書。上香。行三跪九叩禮。工部敬製升配

神位。旣成。諏吉鐫字。內閣翰林官朝服敬書。題字大學士滿漢各一人。朝服視鐫。上香行禮。如儀。

升祔

太廟禮成。諏

升配

圓丘吉日以

聞。飭諸司敬謹供備。

右敬製神位戒辦

眡牲

致齋

書祝版

閱祝版

眡割牲

儀均與冬日
至大祀同。

前二日遣官各一人祇告

天

地

宗廟

社稷如常告儀。

右祇告

前一日太常寺卿率屬入

壇潔蠲壇上下恭設

上帝青幄暨

列聖配幄畢乃恭設

升配青幄寶座。几案如儀。變儀衛設龍亭黃蓋御仗於

昭亭門外恭製

神位黃幄前。是日。

皇帝詣

南郊齋宿。變儀衛陳

大駕鹵簿。

午門鳴鐘鼓。樂陳而不作。不陪祀王公百官朝服跪送。如常儀。

駕至

南郊。

降輦贊引對引官恭導

皇帝詣

皇穹宇。上香。行三拜禮。畢。恭導詣

圓丘。祇眠

壇位。乃導出

昭亭門外。陞輿。詣

齋宮。大學士二人朝服。祇竢於恭製

神位黃幄前。太常寺官具鑪鐙。大學士入幄右門。詣案前。上

香。行三跪九叩禮。恭視工部。以青飾

神位題字。畢。禮部尚書詣案前恭奉

神位。奉安於黃案。上香行禮。如前儀。畢。各退。

右眠神位

屆日昧爽。太常寺卿入

壇。陳設祭器。樂部陳樂懸樂舞。工部官張大次。陪祀執事。各

官朝服。豫集祇俟。均如大祀儀。禮部太常寺官十人。

前引

神位。恭俟於黃幄外。太常寺卿詣

齋宮奏時。

皇帝禮服出。

齋宮乘輦。前引大臣十人前導。後扈大臣隨侍。如儀。

皇帝出廣利門。至

昭亨門右。降輦。盥手。鑾儀衛官跪。奉盥奉巾。如儀。畢。贊引

對引。恭導

皇帝入黃幄。左門詣

神位前。行一跪三拜禮。興。進前跪。恭奉

神位。興。由中門出。奉安

神位於龍亭。跪三拜。興。避立道左。校尉舁亭。前列御仗黃蓋。

禮部太常寺官左右導引。前引大臣十人。贊引對引。

太常寺卿二人恭導。

皇帝於亭後行。陪祀王以下內大臣侍衛於

昭亭左門外跪迎。候過。興。隨行。龍亭入

昭亭左門。百官跪迎於次。候過。北面祇立。亭至內壝左門

外止。贊引對引恭導。

皇帝詣亭前跪。三拜。興。進前跪。恭奉

神位。入內壝左門。至

園丘三成階下。御仗黃蓋退。前引大臣止立。贊引對引恭導。

皇帝陞

壇。太常寺司拜褥官豫布

神位拜褥於正中布。

皇帝拜褥於稍後。贊引跪奏

廟謚皇帝祇見

皇天上帝。

皇帝恭奉

神位跪安於拜席。退。就拜位。贊引奏拜興。

大青通禮

卷一

三

皇帝三跪九拜。恭代行祇見禮。畢。贊引跪奏請

陞座。

皇帝進前跪。恭奉

神位。興。司拜褥官。徹

神位拜褥。

皇帝詣

配幄前跪。奉安

神位於寶座。退至幄外香案前。贊引奏拜。興。

皇帝行一跪三拜禮。贊引對引。恭導

皇帝詣二成拜位立。乃行大祀禮。儀節均與冬至同。祀

畢。恭導

皇帝出

昭亨左門。乘輿還宮。

大駕鹵簿前導。樂陳而不作。不陪祀。王公百公祇候迎。駕如前儀。太常寺官恭請

神位

御皇穹宇。上香行禮。均如

郊祀儀。翼日。

頒詔布告天下。儀詳嘉禮。

右升配

升配

園丘禮成。恭遇孟春上辛吉日。秩祀

祈穀壇。乃奉

神位配饗

祈年殿。祀前諸儀。並同

園丘。豫日。有司恭設

升配寶座於

祈年殿。屆日。設龍亭。黃蓋。御仗。於恭製
神位黃幄前。導引如儀。

皇帝恭奉

神位。由左階陞入

祈年左門。奉安於

寶座。不再行。祇見禮。餘儀節。均與上辛祈穀同。

右升配祈穀壇

大清通禮卷之二

吉禮

北郊

夏日至大祭

地於

方澤之禮。先祭期五日。遣親王一人詣犧牲所。恭代眡牲。儀

與祀

南郊禮同。

右眡牲

先三日。

皇帝致齋於大內。頒

制辭於羣臣曰。某年月日夏至。朕恭祭

皇地祇於

方澤。惟爾羣臣。其蠲乃心。齊乃志。各揚其職。敢或不共。國有

常刑。欽哉勿怠。陪祀王公百官。敬書誓

命。各齋於公署。如祀

南郊儀。

右齋戒

省牲

書祝版

眡割牲

儀均與南郊祀同。

先一日。五鼓。太常寺卿率屬。埽除壇上下。藉以櫻薦。

設

皇地祇神座於

方澤第一成。居中。北向。

列聖東西向。

四從於第二成。

五嶽東。

啟運。

天柱二山從之。

五鎮西。

隆業。

昌瑞。

永寧三山從之。

四海在

五嶽之次。

四瀆在

五鎮之次。均施黃幄。工部司官張

皇帝拜次於第二成子階上。張大次於外壝北門外神路

之東。太常寺典簿陳牲俎於

神廚。博士辨簠。簋。籩。豆。登。鉶之實。以次展器於

神庫。

右設神座幄。供張展牲器

其日昧爽。太常寺設黃案於

中和殿中

御座之南。太常寺卿祇候贊事殿內。司祝由內閣奉祝版。暫奉於

太和殿內。初昕。太常寺卿率欽天監博士至。

乾清門奏時。

皇帝龍袍補服。乘輿出宮。至

中和殿後。降輿。

御殿。立左楹前。西向。記注官四人。於殿右門夾檻內外立。

東面。司祝由

太和殿奉祝版。前列提鑪二。太常寺贊禮郎十人。引至

中和殿外階下止。司祝奉祝版。由中階進殿中門。陳於

案。三叩興退。太常寺卿展祝文。贊禮郎布拜褥。

皇帝詣案前。恭閱。畢。行一跪三拜禮。興復位立。太常寺卿

韜祝版。有司徹拜褥。司祝進至案前。三叩。恭奉祝版。

東興。由殿中門出。太常寺卿跪。奏禮成。

皇帝還宮。太常寺官送祝版至

北郊。奉安

神庫內。是日。恭進齋戒牌銅人於

齋宮。徹

乾清門齋戒牌銅人如祀

南郊儀

右閱祝版

厥明。步軍統領飭所部清蹕除道。自

東華門至

壇門。鑾儀衛官校陳設

法駕鹵簿。導象四。民尉三十有八人。次寶象五。民尉八十人。雲麾使一人。治儀正二人。次靜鞭四。民尉十有四人。治儀正一人。次前部大樂。大號。小號。各四。金口角

四。和聲署史十有二人。次革輅。駕馬四。民尉三十有二人。木輅。駕馬六。民尉三十有二人。象輅。駕馬八。民尉三十有四人。金輅。駕象一。民尉四十有四人。玉輅。駕象一。民尉四十有四人。雲麾使一人。治儀正二人。次鼓吹大樂。大號八。小號八。金鉦四。畫角二十有四。擗鼓二十有四。橫篴十有二。拍板四。仗鼓四。金二。擗鼓二十有四。署史六十有八人。民尉百六十有四人。畫角前。擗鼓後。間以紅鐙各二。民尉六人。冠軍使一人。整儀尉二人。次引仗。御仗。吾仗。各六。立瓜。卧瓜。各

六星六。鉞六。出警入蹕旗各一。民尉六十有七人。五色銷金小旗二十。每色各四。民尉四十人。雲麾使一人。整儀尉二人。次翠華旗二。金鼓旗二。門旗八。民尉二十有四人。日月旗各一。雲雷旗各五。八風旗八。甘雨旗四。民尉四十有八人。列宿旗二十有八。五星旗五。五嶽旗五。四瀆旗四。神武。朱雀。白虎。青龍。旗四。民尉九十有二人。天馬。天鹿。辟邪。犀牛。赤熊。黃羆。白澤。角端。遊麟。彩獅。振鷺。鳴鳶。赤烏。華蟲。黃鵠。白雉。雲鶴。孔雀。儀鳳。翔鸞。爲旗二十。民尉四十人。五色銷金龍纛二。

十。前鋒大纛八。羽林大纛八。驍騎纛二十有四。民尉百二十人。雲麾使二人。治儀正二人。整儀尉二人。次黃麾四。儀鎧。警四。金節四。進善。納言。敷文。振武。旌各二。褒功。懷遠。行慶。施惠。明刑。弼教。教孝。表節。旌各二。民尉五十有六人。龍頭旛四。豹尾旛四。絳引旛四。信旛四。民尉三十有二人。羽葆幢四。霓幢四。紫幢四。長壽幢四。民尉三十有二人。雲麾使二人。治儀正二人。整儀尉二人。次鸞鳳赤方扇八。雉尾扇八。孔雀扇八。黃赤二色單龍團扇各八。雙龍團扇各八。壽字黃扇

八。民尉百二十有八人。雲麾使一人。治儀正二人。整儀尉二人。次。赤素。紫素。方繖各四。五色四季花繖十。閒以五色九龍繖十。民尉六十人。次。九龍黃蓋十。翠華蓋二。紫芝蓋二。九龍曲柄黃蓋四。民尉四十有八人。鑾儀使一人。雲麾使一人。治儀正二人。整儀尉二人。次。儀刀二十。親軍四十人。弓矢二十。親軍四十人。豹尾槍二十。護軍四十人。及四。親軍八人。戟四。親軍八人。雲麾使一人。治儀正二人。整儀尉四人。次。仗馬十。護軍二十人。冠軍使。雲麾使。各一人。次。金方几一。

金交倚一。金餅二。金盃盤一。金盃一。金合二。金鑪二。
拂二。立夏陳列。處暑收。旗尉二十有二人。雲麾使一人。治儀正二人。次。九龍曲柄黃華蓋一。武備院掌蓋司蓋四人。前引佩刀大臣十人。提鑪二。執鑪侍衛二人。

金輦在中。左右奉輦鑾儀使二人。扶輦冠軍使一人。雲麾使一人。治儀正二人。整儀尉二人。旗尉。民尉。各十有八人。後扈佩刀大臣二人。豹尾班執豹尾槍侍衛十人。佩儀刀侍衛十人。佩弓矢侍衛十人。領侍衛內大臣一人。侍衛班領二人。次。後管宗人府王公二人。前

大清通志 卷二
鋒護軍統領一人。散秩大臣一人。給事中御史二人。各部郎中四人。員外郎並用。侍衛班領一人。署侍衛班領一人。侍衛什長二人。次黃龍大纛二。領侍衛內大臣一人。內大臣散秩大臣並用。司燾侍衛什長二人。建燾親軍四人。佩鳴螺親軍六人。凡職事官均采服。親軍護軍旗尉民尉各服其服。辰刻不陪祀王以下。公以上滿漢文武百官朝服咸會。祇候送駕。如儀。巳刻太常寺卿赴

乾清門奏請詣

北郊齋宿。

皇帝龍袍補服。乘禮輿出。至

太和門階下。降輿。鑾儀衛進金輦。掌鑾儀衛內大臣一人。跪奏請

陞輦。鑾儀使二人奉輦。扶輦官四人。納陛於輦前正中。皇帝乘輦。駕士三十二人舉輦。

駕發警蹕。鑾儀使二人率官校夾輦而趨。午門鳴鐘鼓。

皇帝由協和門。

東華門出。導迎樂前引不作。左右塗巷。皆設布幃。護軍統領。步軍統領。率弁校。辟除。如詣。

南郊儀。

右鑾輿出宮。

駕至。

北郊。由壇西門入。至。

方澤北門外。掌鑾儀衛內大臣一人跪。奏請。

皇帝降輦。奉輦。納陛。如儀。前引內大臣十人。右贊引。左對引。太常寺卿二人。恭導。

皇帝由外壝北右門。至。

皇祇室。詣。

皇地祇香案前立。司香太常寺少卿一人。跪。進香。

皇帝跪。受香。拱舉。仍授司香。興。三上香。畢。以次詣列聖前。上香。如儀。贊禮郎布拜褥。

皇帝行三跪九拜禮。兩廡。

從位。遣分獻官上香。行禮。

皇帝詣。

方澤。陞子階第一成。恭胝。

皇地祇位。

列聖配位。贊引官以次跪奏。畢。暨對引官恭導。

皇帝由內壝西右門詣

神庫。恭胝籩豆。贊引跪奏。如前儀。遂遣官並胝牲牢。畢。

皇帝由內壝北右門出。至神路西。

陞輦詣

齋宮。從祀王公百官采服。分班祇俟。

皇帝降輦。乘禮輿入宮。乃退。隨壇齋宿。如祀

南郊之儀。

右胝神位壇位牲器齋宿

將事之夕。夜分。太常寺卿率官屬入壇。然炬明鐙。具器陳於案。各以其序。第一成。

皇地祇幄內。犢一。登一。簠二。簋二。籩十。有。二。豆十。有。二。金鑪一。金鑪

一。黃鐙。金鐙。各二。爵墊一。

列聖幄內。皆犢一。登一。簠簋各二。籩豆各十。有。二。金鑪一。黃

鐙。金鐙。各二。爵墊一。幄北中設一案。少西南向。供祝

版。西設一案。東向。陳黃琮一。郊祀制帛一。色黃奉先制

帛二。色白香盤三。尊三。匏爵九。壺二。實福酒盤一。實胙

肉東設一案。西向。陳奉先制帛三。色白。香盤三。尊三。匏爵九。凡牲陳於俎。凡玉帛實於篚。凡尊實酒。承以舟。疏布幕。勺具第二成。

四從幄內。皆牛一。羊一。豕一。豋一。鉶。簠。簋。各二。籩。豆。各十。

琖三十。鑪一。鐙四。各設一案。陳禮神制帛各一。嶽鎮色用

青。赤。黃。白。黑。五山。色用白。四海。色用青。赤。白。黑。四瀆。色用黑。尊一。爵三。香盤一。俎

篚。勺。冪。具。鑾。儀。衛。冠軍。使。設洗於外壝。右門外。大次。樂部率太常協律郎。設中和韶樂於二成階下。金編鐘在西。玉編磬在東。西應鼓一。祝一。麾一。東。敵一。琴。

瑟。笙。簫。篪。塤。箎。搏拊。旌。節。及羽。籥。干。戚。之屬。東西依數分比。均與

南郊禮同。

右陳設

陳設畢。禮部侍郎一人。由東階升第一成。太常寺博士前引詣

皇地祇位前。省眡。玉帛齎盛。及登俎籩豆之實。以次詣

列聖位前。省齎。畢。仍由東階降。至第二成

從位前。周眡。如儀。

右省齋

辨行禮位。第一成子階上。爲讀祝受福胙。

皇帝拜位。第二成黃幄次。爲

皇帝行禮拜位。南向。第二成階下。爲陪祀王。貝勒。貝子。公。拜位。左翼東位。西上。右翼西位。東上。庭中夾神道。東西。爲分獻官拜位。外壇門外。爲陪祀百官拜位。文五品。武四品官以上。東西各五班。均面南。重行異等。西位。東上。東位。西上。辨執事位。第一成。太常寺官二人。立。

皇帝拜位前。一司拜牌。東面。一司拜褥。西面。司祝一人。立祝案西。東面。司香三人。司玉帛一人。司帛二人。司爵三人。序立西案之西。東面。司香三人。司帛三人。司爵三人。序立東案之東。西面。光祿寺卿二人。立西司香之後。侍衛二人。立東司香之後。太常寺贊賜福胙一人。立西司爵之次。均南上。侍儀禮部尚書一人。侍郎一人。立東案之北。西面。都察院左都御史。副都御史各一人。樂部典樂一人。立西案之北。東面。均南上。階下。太常寺典儀一人。西立。東面。第二成。司拜牌。拜褥。

官各一人。分立黃幄。次東西。與第一成子階同。第二成階下。記注官四人。東立西面。引王公行禮。鴻臚寺官二人。糾儀御史四人。禮部祠祭司官二人。分立拜位左右。均東西面。司樂協律郎樂工序立。東西樂懸之次。歌工立。樂工之次。樂舞生文武八佾分行序立。西在歌工之右。東在歌工之左。皆西列東上。東列西上。太常寺傳贊四人。二人循內壝牆立。二人循外壝牆立。外壝門外。糾儀御史四人。禮部祠祭司官四人。分立從祀百官之次。鴻臚寺序班東西各一人。立於

糾儀官之次。稍後。均東西面。掌瘞官一人。率瘞人立於瘞坎之西北隅。

右辨位

祀日。日出前七刻。司祝詣

神庫。恭請祝版。設於祝案。跪叩如儀。禮部尚書一人。率太常寺卿屬恭請

神位。鑾儀衛官校。豫設鳳亭一。於

皇祇室階下正中。北向。又設鳳亭五。於左右。稍後。均北向。又設鳳亭四。於北。稍後。均東西向。至時。太常寺官啓

神龕。禮部尚書詣

皇祇室各香案前。上香。行禮。如儀。太常寺卿率屬分詣皇祇室。及

從位前。各行一跪三叩禮。先請

四從位。奉至丹墀。東西向。次請

列聖神位於殿內。東西向。俟請

皇地祇神位。北向。先行。乃奉

列聖神位以從。既出殿。乃奉

四從神位以從。依次奉安於鳳亭內。跪叩如初。校尉昇亭。

太常寺官十人前引。禮部尚書從。由

方澤南門入。至子陞亭止。

皇地祇居中。

列聖左右。稍後。均北向。

從位再後。東西向。太常寺官詣各亭前。跪三叩。興。恭請

皇地祇

列聖神位。陞子階。詣第一成。

四從神位。陞東西階。詣第二成。以次奉安於

神座。各行一跪三叩禮。退。

右請神位

太常寺卿赴

齋宮奏請詣

壇行禮。

皇帝御祭服乘禮輿出

齋宮。鑾儀使進金輦於

齋宮門外。納陛。奉輦如儀。

皇帝陞輦。鑾儀衛校鳴

齋宮鐘。前引後扈如常儀。

皇帝至外壝門外神路西。

降輦。右贊引左對引。太常寺卿二人恭導

皇帝詣大次。少埃。太常寺贊禮郎引分獻官於外壝左門

外序立。鴻臚寺官引陪祀王公於外壝門外侍衛後。

百官於行禮位後。按翼東西序立。祇候。太常寺卿告

奉安

神位畢。奏請行禮。

皇帝出大次。鑾儀衛官跪。奉盥奉巾。如儀。盥畢。司拜褥官

豫布拜褥於第二成拜次。退。贊引對引官恭導

皇帝由外壝北右門入。陞子階。就第二成拜位。司拜牌官

安拜牌。退。侍衛至內壝門外。前引內大臣。執鑪鐙官

至第二成階下。均止立。後扈大臣隨侍。凡陞壇隨侍同。

鴻臚寺官。引階下。王公咸就拜位立。太常寺贊禮郎

引分獻官。入內壝左門。至分獻拜位立。鴻臚寺官。引

文武百官。均就拜位序立。典儀贊樂舞生登歌。執事

官各共廼職。武舞執干戚進。贊引奏就位。

皇帝就拜位立。

右就次盥洗就位

皇帝既就位。典儀贊瘞毛血迎

神司樂贊舉迎

神樂奏中平之章。辭曰。吉蠲兮玉宇開。薰風兮自南來。鳳馭

紛兮後先。嶽瀆霽兮徘徊。肅展禮兮報功。沛靈澤兮

九垓。協律郎舉麾。工鼓祝。樂作。贊引奏跪拜興。

皇帝行三跪九拜禮。傳贊贊跪叩興。王公百官均隨行禮。

凡衆官行禮。均傳贊。後同。協律郎偃麾。工戛敵。樂止。凡樂以舉麾。鼓祝作以偃

麾。戛敵。止。後同。

右迎神

典儀贊奠玉帛。左右司香奉香盤。以次進香案前恭候。左司玉帛官暨司帛官由西案奉篚。右司帛官由東案奉篚。以次進至。

神位前恭候。司樂贊舉奠玉帛樂。奏廣平之章。辭曰。式時吉土兮中壇。愬我郊兆兮孔安。辟公趨蹌兮就列。考鐘伐鼓兮舞干。黃琮織縞兮既奠。靈光下燭兮誠丹。樂

作。司拜牌官起拜牌。凡陞壇皆先起拜牌。後同。贊引奏陞

壇暨對引官恭導

皇帝詣第一成對引官至北階上止立。凡陞壇行禮皆同。贊引

恭導

皇帝詣

皇地祇香案前。司香跪。贊引奏跪。

皇帝跪。奏上香。司香進香。

皇帝上炷香。次三上瓣香。興。贊引恭導

皇帝詣

皇地祇位前。司玉帛官跪。贊引奏跪。

皇帝跪。奏奠玉帛。司玉帛官進篚。

皇帝受篚。拱舉奠於案。興。以次詣

列聖位前。上香。獻帛。儀同。贊引奏復位。暨對引官恭導。

皇帝復第二成拜位立。司拜牌官安拜牌。凡復位則安拜牌。後同。樂

止。

右奠玉帛

皇帝既奠玉帛。典儀贊進俎。司拜牌官起拜牌。退。贊引對

引恭導。

皇帝轉立拜位旁。西向。司拜褥官起拜褥。太常寺官引分

獻官。鴻臚寺官引王公。各退避。東西面立。有司貯羹

於壺。恭執。太常寺官二人引至壇階下止立。執壺官

升子階。以次登壇。過幄次。仍布拜褥。恭導。

皇帝復位。王公及分獻官皆引復位。執壺官詣

皇地祇

列聖位前。跪拱舉興。以羹沃俎者三。退。由西階降。司樂贊舉

進俎樂。奏含平之章。辭曰。禮行樂奏兮未央。嘉肴有

踐兮大房。牲牲告歆兮惟恪。民力普存兮肅將。厚載

資生兮無外。几筵來格兮洋洋。樂作。贊引奏陞

壇恭導。

皇帝陞第一成。詣

皇地祇位前立。贊引奏跪。

皇帝跪。奏進俎。

皇帝拱舉。進俎。興。以次詣

列聖位前。進俎。儀同。贊引奏復位。恭導

皇帝復。二成拜位立。樂止。

右進俎

典儀贊行初獻禮。有司揭尊。幕勺挹酒。實爵。左右司爵執爵。以次進至各

神案前。恭俟。司樂贊舉初獻樂。奏大平之章。辭曰。醴齊融冶

兮信芳。博碩升庖兮鼎方。清風穆穆兮休氣翔。神明

和樂兮舉初觴。洽百禮兮禋祀。罄九土兮豐穰。樂作。

司樂舉節。舞干戚之舞。凡舞以節領之。贊引奏陞

壇。恭導

皇帝詣第一成

皇地祇位前。司爵跪。贊引奏跪。

皇帝跪。奏獻爵。司爵進爵。

皇帝受爵奠於墊中。興。第一成。司拜褥。拜牌官。布拜褥。安

皇帝拜牌。贊引奏詣讀祝位。

皇帝詣讀祝拜位立。司祝至祝案前跪。三叩興。奉祝版跪。案左。樂暫止。贊引奏跪。

皇帝跪。羣臣皆跪。贊引贊讀祝。司祝讀祝。辭曰。維某年月日。

嗣天子臣御名敢昭告於

后土皇地祇曰。時當夏至。羣物方亨。生長發育。有生成賴。功

德至厚。上配

皇天。謹以玉帛牲醴齋盛庶品。用將祇祀。奉

太祖承天廣運聖德神功肇紀立極仁孝睿武端毅欽安弘

文定業高皇帝

太宗應天興國弘德彰武寬溫仁聖睿孝敬敏昭定隆道顯

功文皇帝

世祖體天隆運定統建極英睿欽文顯武大德弘功至仁純

孝章皇帝

聖祖合天弘運文武睿哲恭儉寬裕孝敬誠信中和功德大

成仁皇帝

世宗敬天昌運建中表正文武英明寬仁信毅大孝至誠憲
皇帝配。尙

饗讀畢。興。奉祝版跪安。

皇地祇位前。筐內三叩。興退。樂作。贊引奏拜。興。

皇帝率羣臣行三拜禮。興起拜褥。徹拜牌。贊引恭導詣

列聖位前。以次獻爵。儀同。贊禮郎引

從位分獻官。由東西階升。詣各

神位前。上香。獻帛。獻爵。畢。贊引奏復位。恭導

皇帝復第二成拜位立。分獻官咸降階退。各復拜位立。樂

止。武功之舞退。文舞執羽籥進。

右初獻讀祝

典儀贊行亞獻禮。司爵執爵以進。司樂贊舉亞獻樂。

奏安平之章。辭曰。一茅三脊兮縮漿。山壘雲冪兮馨

香。介黍稷兮芳旨。再滌犧尊兮敬將。樂成八變兮綴

兆。儼皇祇兮悅康。樂作。舞羽籥之舞。贊引奏陞

壇恭導

皇帝陞第一成。以次奠爵於左。儀如初獻。贊引奏復位。

皇帝復位立。樂止。

右亞獻

典儀贊行終獻禮。司爵執爵以進。司樂贊舉終獻樂。

奏時平之章。辭曰。紫壇兮嘉氣盈。旨酒思柔兮和且平。凜茲陟降兮心屏營。禮成三獻兮薦玉觥。含弘光大兮德厚。靈佑丕基兮永清。樂作。舞與亞獻同。贊引奏陞壇。恭導。

皇帝陞第一成。以次奠爵於右。儀如亞獻。贊引奏復位。恭導。

皇帝復位立。每獻。分獻官詣

從位獻爵。升降均如初。樂止。文德之舞退。

右三獻

既終獻。贊禮郎一人詣祝案前。東面立。贊

賜福胙。光祿寺卿就西案奉福胙。至

皇地祇位前。拱舉退。布拜褥。安拜牌。如讀祝儀。贊引奏詣飲福受胙位。恭導。

皇帝詣第一成。飲福受胙位立。光祿寺卿二人奉福胙。祇立。

皇帝拜位之右。侍衛二人進立於左。贊引奏跪。

皇帝跪。左右官皆跪。奏飲福酒。右官進福酒。

皇帝受爵。拱舉。授左官。奏受胙。右官進胙。

皇帝受胙。拱舉。授左官。贊引奏拜興。
皇帝三拜。興。贊引奏復位。恭導。

皇帝復第二成拜位立。贊引奏跪拜興。

皇帝率羣臣行三跪九拜禮。典儀贊徹饌。司樂贊舉徹饌。
樂奏貞平之章。辭曰。玉俎列兮庶品該。黃琮告徹兮
雲翔徊。晏陰定兮曦景回。南訛秩兮日恢台。肅惟昭
明兮孔邇。覃博厚兮奠九垓。樂作。司玉帛官詣
皇地祇位前。跪叩興。奉黃琮以退。樂止。

右受福胙徹饌

典儀贊送

神司樂贊舉送

神樂奏寧平之章。辭曰。靈旗兮雲路遵。飛龍蜿兮高旻。陰儀
粹兮德純。眷四海兮無塵。配皇穹兮兩大。綏下土兮
烝民。樂作。贊引奏跪拜興。

皇帝率羣臣行三跪九拜禮。興。樂暫止。

右送神

典儀贊奉祝帛饌。恭送瘞位。司祝。司帛詣

神位前。咸跪。司祝奉祝。司帛奉篚。皆三叩興。司香跪奉香。司

爵跪奉饌。興。以次恭送瘞所。左右執事官奉

列聖位前帛。饌香。恭送燎所。

皇帝轉立拜位旁。西向。起拜褥。分獻官王公等避立。如進俎時。俟祝帛過。仍布

拜褥。

皇帝復位立。

從壇香帛饌。仍由東西階降。送瘞所。典儀贊望瘞。樂作。樂章。

樂辭與送神同。贊引奏詣望瘞位。恭導

皇帝由內壝右門出。詣望瘞位望瘞。分獻官各詣東西門外望瘞。贊引奏禮成。恭導

皇帝入大次。樂止。

右望瘞

大祭禮成。鑾儀衛官率校尉設鳳亭一。於

方澤子階下正中。鳳亭五。於左右。稍後。均北向。鳳亭四。於兩旁。東西向。太常寺卿率屬升壇。詣各

神位前。跪。三叩。興。恭請奉安亭內。跪。叩。如初。鑾儀校舁亭。依

次行至

皇祇室。

皇地祇居中。

列聖左右均南向。

從位東西相向。以次復

御。禮部尙書。上香行禮。儀並與迎神同。

右神位還御

皇帝既還大次更衣。至外壇神路西。乘禮輿出北門外。

法駕鹵簿前導。導迎樂作。奏祐平之章。辭曰。隕爾而靜。持載廣生。長至修祀。聿來光景。富媪愉元。德升嶽瀆。安民物亨。

皇帝回鑾。王公從。各官以次退。不陪祀。王公百官仍朝服

祇候。

駕至。跪迎。

午門鳴鐘。樂止。王公隨

駕入。至內金水橋。恭候

皇帝還宮。皆退。太常寺官徹

齋宮齋戒。牌銅人送寺。

右回鑾

因事祇告

方澤之禮。遣親王一人將事。及執事官致齋一日。有司具祝文。潔備器陳設。

神座幄於

壇上。陳脯醢果實。鑪鐙爵墊。幄北中設一案。少西南向。供祝版。西設一案。東向。陳尊爵香帛。與告。

圓丘禮同。司香司帛司爵司祝各一人。立西案西。東面。糾儀御史一人。東位。西面。一人。西位。東面。太常寺典儀一人。立第一成子階下。東面。掌瘞立瘞坎西北隅。雞初鳴。遣官豫埃於

壇北門外。贊引太常寺贊禮郎二人。豫埃於外壝北左門外。均朝服。太常寺卿率屬詣

皇祇室。奉請

皇地祇神位入壇。恭設座上。如儀。遣官自

壇北左門。至外壝北左門。贊禮郎引入。詣

方澤子階下。典儀贊就位。執事官各共廼職。贊禮郎引遣官就拜位立。典儀贊迎。

神。凡禮儀節次。皆皆贊禮郎贊跪叩興。遣官行三跪九叩禮。興典儀唱贊後同。

贊初獻。司香奉香。司帛奉帛。司爵奉爵。以次進至案

前祇埃贊禮郎贊升壇引遣官升西階就香案前。凡遣

官升降行禮皆贊皆引後同。跪。上香。以次詣

神位前跪奠帛奠爵如儀興贊讀祝遣官降子階之右至第二成當階面南跪司祝讀祝如儀退遣官行三叩禮興仍降西階復位亞獻三獻暨送神望瘞儀注並與告

南郊同禮畢引遣官由外壝北左門出太常寺卿率屬恭請皇地祇神位還御如儀各退

右因事祇告

列聖升配

北郊之禮

制下禮部具疏行欽天監諏吉工部於

壇北門外張黃幄敬製升配

神位禮工二部尙書上香行三跪九叩禮既成內閣翰林官朝服書字大學士滿漢各一人朝服視鐫上香行禮各如儀迺諏

升配吉日以

聞。徧布諸司供備。

右敬製神位戒辦

致齋

眡牲

書祝版

閱祝版

眡割牲

均如南郊升配儀。

前二日遣官各一人祇告

天。

地。

宗廟。

社稷如常告儀。

右祇告

前一日有司豫設

升配黃幄於壇上。鑾儀衛陳

法駕鹵簿。設鳳亭黃蓋御仗於恭製

神位黃幄前。

皇帝詣

北郊齋宿。周眡

壇位。大學士恭視工部以青飾

神位題字。畢。禮部尙書奉安

神位。並如儀。

南郊升配。詳屆日。所司入壇陳設。

皇帝躬詣

壇北門外黃幄次。奉請

神位。祇見

皇地祇。恭代行禮。乃奉安

神位於配幄。率羣臣行大祀禮。禮成。還宮。太常寺官恭請

神位

御皇祇室。均如

南郊升配儀。

右升配



